

BASES DO CERTAME DE
CARROZAS E DISFRACES EN GRUPO DO ENTROIDO RIANXO 2026

INTRODUCCIÓN

O Entroido caracterízase pola súa dimensión popular e participativa (velaí o choqueiro, tradicional figura entre nós). Tamén se caracteriza pola crítica (aos distintos poderes, ao famoseo, a algún feito do ano polémico ou destacable, etc.) e pola exaltación da cultura da carne e da festa. Nestas coordenadas, e tendo como referencia fundamental a cultura que nos é propia, o Concello de Rianxo convoca un Certame de Carrozas e Disfraces en Grupo de Entroido, que se celebrará o vindeiro domingo día 15 de febreiro de 2026, segundo as seguintes:

BASES

1 A participación no Certame de Carrozas e Disfraces en grupo do Entroido 2026 supón a aceptación das presentes bases reguladoras.

2 O Certame de Carrozas e Disfraces en Grupo do Entroido 2026 terá lugar o domingo 15 de febreiro de 2025. Comezará ás 17:00 horas e as persoas participantes deberán presentarse entre as 16:30 e 17:00 horas na zona do Porto.

3 O certame ten dúas modalidades de participación:

Certame de carrozas: grupo de persoas de 6 ou máis participantes disfrazadas e cunha mesma temática, e que vaian acompañados por un vehículo con plataforma móbil debidamente adornada e elaborada.

Certame de disfraces en grupo: grupo de persoas de 6 ou máis participantes disfrazadas baixo unha mesma temática e que representan unha escenografía, baile,.. Só se poderá participar nunha das modalidades do certame (en carroza ou en grupo) e a participación neste certame exclúe aos membros de participar no sorteo de disfraces individuais que se realizará no marco das actividades do Domingo de Entroido.

4 Poderá participar neste certame calquera entidade non lucrativa legalmente constituída, ou ben grupos informais de persoas, interesados en conformar unha carroza ou grupo de disfraces de entroido.

5 As inscricións deberán formalizarse no impreso normalizado (ANEXO I) xunto coa documentación necesaria no Rexistro do Concello de Rianxo, ben de xeito presencial ou telemático. As asociacións deben presentar obrigatoriamente toda a documentación de xeito telemático.

A data límite para efectos de inscrición será o xoves 12 febreiro.

En caso de aprazamento, a data límite estenderase ata dous días hábiles anteriores á celebración do certame.

Non se inscribirá ningunha carroza ou grupo despois da data e da hora antes citadas.

A documentación necesaria para a inscrición é:

Grupos informais de persoas:

- Denominación da carroza/grupo, datos da persoa representante e bosquexo (ANEXO I)
- Relación de persoas participantes asinada por cada unha delas, coa seguinte información (ANEXO II) :
 - Cada unha das persoas deberá ter asignado unha porcentaxe de participación do premio, que se terá en conta aos efectos fiscais. A dita porcentaxe poderá ser desde 0% (sen participación no premio) ata o 100% (imputación da totalidade do premio). A suma de todas as porcentaxes de participación individuais deberá ser 100%, en todo caso.
 - O pagamento poderá realizarse a todas as persoas que teñan imputado unha porcentaxe de participación. Ingresaráselles a parte proporcional do premio. Neste caso, cada un dos premiados deberá presentar a documentación indicada na base 15.
 - Se se indica expresamente, as persoas integrantes do grupo poden autorizar o pagamento da totalidade do premio á persoa representante. Neste caso, unicamente será esta a que deba presentar a documentación requirida para o pago.

- A relación incluírá unha declaración de estaren ao corrente das obrigas coa Axencia Española de Administración Tributaria, Seguridade Social, Axencia Tributaria de Galicia e Concello de Rianxo, e de non estaren incursas en ningún dos supostos que aparecen no citado artigo de incompatibilidade para recibir subvencións.
- Participantes menores de idade: autorización expresa dos seus titores legais para os efectos e o nomeamento dun representante maior de idade para as persoas participantes menores de idade (ANEXO IV)

Entidades sen fin de lucro (obligatorio presentar por sede electrónica)

- Denominación da carroza/grupo, datos da persoa representante para a participación do certame (ANEXO I)
- Designación da persoa representante para a participación no certame (ANEXO III)
- Fotocopia do CIF da entidade participante. Non será necesario presentalo no suposto de que o Concello de Rianxo xa teña a dita información. Deberá indicar en que ano o presentou (dentro dos últimos 5 anos) e en relación a que expediente.
- Fotocopia do DNI da persoa representante. Non será necesario presentalo no suposto de que o Concello de Rianxo xa teña a dita información. Deberá indicar en que ano o presentou (dentro dos últimos 5 anos) e en relación a que expediente.

A documentación necesaria para a inscrición poderase descargar da páxina web municipal: concelloderianxo.gal

6 Os vehículos das carrozas participantes deberán cumprir coa normativa vixente dispoñendo da documentación e permisos obrigatorios, así como tamén a persoa condutora, e presentar a declaración responsable (ANEXO V)

Deberán contar con medidas de seguridade e protección axeitadas para o bo desenvolvemento do certame. (Obrigas e recomendacións ANEXO VI).

7 A confección, motivo, elementos, materiais, etc., serán totalmente libres. O tema estará referido a algunha/as das características indicadas na introdución.

As carrozas/grupos participantes terán que realizar o desfile de carrozas, co percorrido e orde que lles serán indicados ao seu inicio.

Durante o desfile ou na Praza Castelao, as persoas participantes deberán realizar unha escenografía, coreografía ou representación teatral acorde coa temática da carroza ou do grupo, cunha duración máxima de 5 minutos, seguindo a orde que lles indique a organización. No momento da inscrición deberá indicarse o lugar onde se levará a cabo a actuación.

No caso de precisar acompañamento musical, poderá facilitarse a música nun USB, que se reproducirá a través da megafonía da organización, exclusivamente na Praza Castelao.

8 A valoración das carrozas e dos grupos por parte do Xurado realizarase tanto durante o desfile como na Praza de Castelao, ao longo do desenvolvemento do certame.

Os criterios de valoración que se empregarán polo Xurado, son os que de seguido se detallan, podendo obterse un máximo de **50 puntos para as carrozas e 40 puntos para os Disfraces en Grupo:**

Certame de Carrozas (máximo 50 puntos)

- orixinalidade (entendida como ausencia de mera imitación, tradución ou copia doutra cousa) e creatividade (entendida como a aplicación de inventiva, habilidade e enxeño no tratamento do tema e/ou materiais e/ou posta en escena): ata 10 puntos
- o esforzo na realización da carroza (entendido como a inversión substantiva de tempo e labor nos distintos elementos): ata 10 puntos
- a utilización e creación de recursos non comerciais (entendida como a primacía de elementos deseñados e elaborados polos participantes fronte a alternativas comerciais ou industriais xa feitas): ata 10 puntos
- as coreografías e a escenografía (complexidade e dificultade de execución e vinculación co tema proposto): ata 10 puntos
- vestimentas/maquillaxes das persoas participantes: ata 10 puntos

Certame de Disfraces en Grupo (máximo 40 puntos)

- orixinalidade (entendida como ausencia de mera imitación, tradución ou copia doutra cousa) e a creatividade (entendida como a aplicación de inventiva, habilidade e enxeño no tratamento do tema e/ou materiais e/ou posta en escena): ata 10 puntos
- a utilización e creación de recursos non comerciais (entendida como a primacía de elementos deseñados e elaborados polos participantes fronte a alternativas comerciais ou industriais xa feitas): ata 10 puntos
- as coreografías e escenografía (complexidade e dificultade de execución e vinculación co tema proposto): ata 10 puntos
- vestimentas/maquillaxes das persoas participantes: ata 10 puntos

9 As persoas participantes deben seguir en todo momento as indicacións da organización.

A organización velará polo correcto funcionamento do desfile, e poderá impedir a participación a calquera persoa, grupo ou carroza por motivos de seguridade.

Os equipos de son deberán manter un volume axeitado para non interferir co son das demais carrozas e grupos participantes.

10 Poderanse descualificar e prohibirle a súa participación a aquelas carrozas que representen temáticas machistas, racistas ou xenófobas, ou que non cumpran cos criterios establecidos.

Segundo a ordenanza municipal, non se admitirá a participación con animais.

Non se admitirá ningún tipo de publicidade comercial.

Non se permite o consumo de alcohol nin de tabaco.

11 Establécense os seguintes premios:

Certame de Carrozas:

- 1º premio: 900 €
- 2º premio: 700 €
- 3º premio: 500 €

Certame de Disfraces en grupo:

- 1º premio: 400,00 €.
- 2º premio: 300,00 €
- 3º premio: 200,00 €

Estes premios levarán consigo as imposicións fiscais que resulten de aplicación, segundo as normas contidas na normativa reguladora do imposto.

Gratificacións

A participación no certame, sempre e cando se cumpran as bases e participen no desfile e actos na praza, e non se obteña ningún premio, suporá unha gratificación de 150 euros para Carrozas e 50 euros para Disfraces en grupo.

O importe total destinado a gratificacións é de 1.200,00 euros. No caso de que as gratificacións ás carrozas/grupos participantes excedan a contía total destinada aos mesmos o reparto será proporcional entre todas elas ata o límite establecido. Ás gratificacións aplicaráselle a retención fiscal que corresponda segundo a lei.

12 O xurado estará formado por membros da Corporación do Concello de Rianxo e persoas pertencentes ao mundo da cultura ou á creación artística e representantes das asociacións, e será potestade súa designar a aquelas persoas que estime convenientes en calidade de asesoras.

Estará composto por un/unha presidente/a, vogais e un/unha secretario/a, este último será persoal do Concello de Rianxo, que non terá dereito a voto.

13 Toda interpretación sobre as presentes bases correspóndelle unicamente ao xurado. Calquera cuestión non recollida de forma explícita nestas bases será resolta polo xurado.

14 O veredicto do xurado do Certame de Carrozas, que será inapelable, farase público no transcurso dos actos na tarde do *Domingo de Entroido*. O xurado reservase a posibilidade de declarar algún premio deserto ou transferilo completo ou fragmentado a outras categorías.

15 As carrozas/grupos recibirán o pagamento dos premios e gratificacións mediante transferencia bancaria no período de 30 días hábiles dende a presentación da documentación, sempre que estea correcta.

Para o cobro do premio/gratificación deben presentar, no período de 5 días hábiles dende a celebración do certame, a seguinte documentación:

No caso de persoas físicas:

- Instancia de solicitude de aboamento (ANEXO VII)
- Certificado do IBAN orixinal da conta bancaria (se non está xa presentada no Concello)
- Ficha de terceiros (modelo dispoñible na web do concello)(se non está xa presentado no Concello)

Realizarase un pago único á persoa representante que se inscriba en nome do grupo.

No caso de que todos os participantes sexan menores de idade, deberá realizarse o pagamento na conta bancaria do adulto responsable.

No caso de asociacións:

- Instancia de solicitude de aboamento (ANEXO VII)
- Certificado do IBAN orixinal da conta bancaria (se non está xa presentada no Concello)
- Ficha de terceiros (modelo dispoñible na web do concello)(se non está xa presentado no Concello)

16 En caso de condicións climatolóxicas adversas, o certame poderase aprazar para outras datas, decisión que se tomará como máximo ata o domingo 15 de febreiro ás 10.00 h. No caso de que non se poida celebrar, o certame poderá ser suspendido.

Os posibles cambios e comunicacións publicaranse no sitio web concelloderianxo.gal e nas redes sociais do Concello de Rianxo.

17 O Concello de Rianxo resérvase a potestade de fotografar e/ou gravar ás persoas participantes, así como a utilización das imaxes para promoción e difusión do evento.

18 O Concello de Rianxo non se fai responsable dos danos morais ou materiais que, a si mesmos ou a terceiros, ocasionen os/as participantes deste certame.

19 O órgano municipal competente asumirá a proposta do xurado e concederá o premio e realizará o seu pagamento seguindo o proceso establecido.

20 As presentes bases serán publicadas no taboleiro do Concello de Rianxo, no Centro Sociocultural-Auditorio de Rianxo e no taboleiro de anuncios da páxina web concelloderianxo.gal

Igualmente, incluírase un extracto das bases no Boletín Oficial da Provincia da Coruña. Máis información no Centro Sociocultural - Auditorio de Rianxo: de luns a venres, de 9.00 a 14.00 horas (tel.: 981 100 688 / cultura@concelloderianxo.gal).

21 Os datos persoais pasarán a formar parte dun ficheiro electrónico propiedade do Concello de Rianxo coa única finalidade de proceder á inscrición na actividade para a que se proporcionan os datos.

Pode exercer os dereitos de acceso, rectificación, portabilidade e supresión dos seus datos e os de limitación e oposición ao seu tratamento dirixíndose ao Concello de Rianxo, Praza Castelao, 1, 15920 Rianxo, correo electrónico dpd@concelloderianxo.gal, ou mediante o procedemento habilitado para o efecto da Sede Electrónica: sede.concelloderianxo.gal.

Se considera que o tratamento non se axusta á normativa vixente, poderá presentar unha reclamación perante a autoridade de control en www.aepd.es. Datos de contacto do delegado de protección de datos: Ramón Santos Pérez, dpd@concelloderianxo.gal